

Mun lam Lumo -roolâspellâ

Uápásmittem

- Speelâst láá kulmâ spellee já speelâ jođetteijee.
- Speelâ jođetteijee pargon lii čuávvuđ ohtsij njuolgâdusâi nuávdittem já vuoluubeln čielgejum "speelâ aalgâst", "speelâ ääigi" já "speelâ loopâst" -soojij olášum já nuávdittem.
- Tij taarbâšvetteđ pirco já muuŝtonmerkkimpiergâsijd.
- Speelâ ulmen lii uápásmittid spellleid toos, maggaar lii leđe ereslágán ko iäráseh (nk. nubbevuodâ tubdâmuŝân) stivriimân lohtâŝuvvee vuáruvaiguttâstilâlâŝvuodâin.
- Speelâ aalgâst: Uásálisteeh suápih ohtsijn spellânjuolgâdusâin.
- Speelâ ääigi: Speelâ roolâi persovnlâŝvuodâh já toimâmtäävih vuárbáduvvoje: sij pyehtih leđe magareh peri. Speelâ maailmist tun sáátáh karttâđ lattid já čuávdiđ aašijd toin lain, mii ij västid tuu jieijâd árvumaailm.
- Speelâ loopâst: Uásálisteeh savâsteleh speelâ ääigi šoddâm huámmášumijn, jurduin já tobdoin.
- Roolâspeelâst uáppee Lumo jotá jieijâs uáppupálgá já savâstâl ton jieŝkođe-uv muddoost máttáátteijein já opoin.
- Lumo persovnlâŝvuotâ vuárbáduvvo: sun puáhtá leđe maggaar peri.
- Tâin savâstâlmijn máttáátteijee já opo toimâ vuárbáduvvo. Máttáátteijee já opo pircosteh kuábâš-uv jieijâs reaktioid.
- Roolâspeelâ spelâdijn sättih šoddâđ vädisvuodâh jis kárttá čaittâlid ereslágán roolâ ko maggaar tun tuotâvuodâst lah. Tondiet lii tehálâš sooppâđ njuolgâdusâin ovdil speelâ älgim.
- Spellâ piŝtá 30-40 minuttid.

Mun lam Lumo -roolâspellâ

- Kuulmâ ulmuuh juávjuh
- Jyehi juávkku taarbâš oovtâ pirco
- Roolah: Lumo, máttáátteijee, opo.
- Juáhâš pirccoost. Stuárráamus čalmelovo finnim uásálistee lii Lumo, nubben stuárráamus lovo pircosteijee lii máttáátteijee, kuálmádin stuárráamus lovo pircosteijee lii opo.
- Pircco ovdâmerkkân tääbbin: <https://www.random.org/dice/?num=1>

Lumo lii speelâ kuávdáš persovn

- Juávkku pirccoost vala kulmii já lovoh čálloje pajas.
- Suhâpeeli: Pirco čalmeloho 1-2; almajin nobdum, pirco čalmeloho 3-4: nisonin nobdum, pirco čalmeloho 5-6: eressuhâpiäláág
- Áámmátsyergi: Pirco čalmeloho 1-2: tipšomsyergi, pirco čalmeloho 3-4: taaidâsyergi, pirco čalmeloho 5-6: tekniik syergi
- Ahe: Pirco čalmeloho 1-2: 16-20v., čalmeloho 3-4: 21-29v., čalmeloho 5-6: 30-35 v.

Speelâ jotteem / äigijana

- Äigijana lii ivveest 2020 ihán 2025 ađai onnáá peeivist suullán vittâ ive ovdâskulij
- Äigijanast láá 5 tábáhtumečyegisid.

1. ALGÂ
2. LUHOSTUM
3. EPILUHOSTUM
4. OROSTEM
5. LOPPÂ

Ovdil ko juáđháh speelâ, muáddi tehálâš aiccâmuš, maid jyehi uásálistei lii pyeri addiđ

- a. Roolâspelâdijn máttáátteijee tai škuávlejeijee lii speelâ jođetteijen tilálâšvuodâ koccee, kiást puáhtá ain kojâdiđ iše.
- b. Speelâ siisâ: Uásálisteeh suápih savâstâlmáin, savváin/tavvoin meerhâ, moin puáhtá muštâliđ et tääl sij lävkkejeh nube maailmán mast pyehtih tábáhtuđ ääših já šoddâđ tobdoh, sehe muštâliđ, et speelâ nuvádiijn sij lävkkejeh taan maailmist olgos. Sooppâđ meid, et ain lii lope vyelgiđ roolâst já speelâst, jis tilálâšvuotâ oro kiännii spellee mielâst unohâssân (sirduu sajan g. Speelâst olgos).
- c. Algâttiđ juávhust mielielimáin jieijâd roolâ já kuvviimáin speelâ algâtile já persovnijd.
- d. Speelâ aalgân: Aalgâst já loopâst lii pyeri muštottiđ, et koččâmuš lii mielâkuvviittâsmääđhist, mast uásálisteeh sierâdeleh maangâlágán puátteevuodâiguin já tilálâšvuodâin moh pyehtih leđe máhđuliih teikkâ máhđuttemeh. Talle ko mij spellâp, te mij toimâp mielâkuvviittâsmaailmist. Uázžu movtijduđ já vuájudâttâđ jieijâs persovnân! Jis tilálâšvuotâ oro tuu mielâst unohâssân, speelâst uázžu vyelgiđ. (sirduu sajan g. Speelâst olgos)
- e. Mušte lattiđ muččâdávť já vääldi iärásijd huámmášumán speelâ ääigi.
- f. Sooppâđ ohtsijd njuolgâdusâid (já meid maggaar tobdotile ličij uáivilin šoddâdiđ), mii lii loválâš já mii ij.
- g. Speelâst olgos: Loopâst lii pyeri orniđ ohtsii kiedâvuššâm / čoodâmoonnâm / jurdúi já tobdoi hundâruššâm, maid spellâ šoddâdij. Taat lohtâs torvolii saje vuáđujurdui. Speelâ loopâst uárnejuvoo ohtsâš savâstállâm, mon ääigi puáhtá moonnâđ čoodâ tobdoid já jurduid, maid spellâ šoddâdij.
- h. Uásálisteeh raportisteh máttáátteijei, jis kiinii lii rikkom ohtsijd njuolgâdusâid tai saavah tai tooimah iä lah hiävuliih. Máttáátteijest lii vuoigâdvuotâ jođettiđ speelâ. Sun iššeed čuolmâsoojijn já tuáimá táárbu mielđ tuámárin.
- i. Trigger warning, triggerváruttâs: Sooppâđ juávhust meid meerhâ, jis juávhust kiännii mielâst tile oro unohâssân tai sun triggeristuvoo spellâmist! Taas láá kavnamist meid vuáhádum tyejipiergâseh. Tobdosumos lii X-korttâ, mast lase engâlâskielân täst:
https://docs.google.com/document/d/1SB0jsx34bWHZWbnNIVVuMjhDkrdFG01_hSC2BWPII3A/edit

Tääl spellâđ! Taa láá speelâ äigijana sajuh 1-5

1. ALGÂ SAVÂSTÂLMÁIN

Lumo – kii tun lah? Maggaar tuáváást tun lah vuálgus? Maid tun luuvah nube tääsi oppâlájádâsâst já mondiet? (miäruštállâđ täid savâstâlmáin oovtâst)

Ko tij leppeđ miäruštállâm, kii Lumo lii, te sirdud čuávuváid soojijd, main tij miäruštâlvetteđ vistig tábáhtume, mon Lumo iälá. Tast maņa sehe máttáátteijee já opo pircosteh jieijâs reaktioid.

2. LUHOSTUM

Lumo luhostuvá mastnii. Mii tot lii? Magarijd tobdoid tot šoddâđ? Moh aašijd/tábáhtuumijd išedii luhostuumist? Maainâst.

Máttáátteijee já opo reaktioh pirccoostmáin:

1-2 ij peerust

3-4 láittä

5-6 movtjidit

Maainâst, maht máttáátteijee já opo lattiv já toimâv.

3. EPILUHOSTUM

Lumo ij luhostuu monnii ääšist, mii lohtâs uáppoid tâi pargoelimân. Mii tot lii? Moh aašijd/tábáhtuumijd tovâttii tom, et jieh luhostum? Maht tot vaaigut Lumo motivaation? Maainâst.

Máttáátteijee já opo reaktioh pirccoostmáin:

1-2 ij peerust

3-4 láittä

5-6 movtjidit

Maainâst, maht máttáátteijee já opo lattiv já toimâv.

4. OROSTEM

Lumost láá jieijâs persovnlíi elimist háástuh já uápuh koskálduvvojeh. Maggaar hástu lii koččâmušâst já maht tot vaaigut Lumo uáppoid já jieštoobdon? Moh aašijd/tábáhtuumijd tovâttii tom, et orostih? Maainâst.

Máttáátteijee já opo reaktioh pirccoostmáin:

1-2 ij peerust

3-4 láittä

5-6 movtjidit

Maainâst, maht máttáátteijee já opo lattiv já toimâv.

5. LOPPÂ

- Moh láá täsiáarvu já oovtâviärdâsâšvuodâ uáinu ko Lumo kiäččá ovdâskulij?
- Magarin áammátsyergi puátteevuotâ oro viidâ ive keččin tast ko Lumo algâttij uápuidis?
- Mon keežild taat tile šoodâi máhđulâžžân?
- Mii ličij puáhtám estid luhostuumist?
- Magarin sajuh 2-4 liččii šoddâm jis Lumo ličij lamaš nube suhâpeeleeest tâi suu ahe ličij lamaš miinii eres?
- Magarijd aašijd onnáá peeivi Lumo muštá uápui jotemist tehálâžžân já merhâšitten?
- Toollâđ speelâ loopâst ohtsii savâstállâm, mon ääigi puáhtá moonnâđ čoodâ tobdoid já jurduid, moh spelâdijn šoddii.
- Sooppâđ oovtâst, et tääl spellâ lii nuuhâm.